

Глаголы моя внуши Господи, разумей звание мое. Вонми глас молитвы моея. Царю мой и Боже мой. Яко к Тебе помолюся Господи, заутра услыши глас мой. Заутра предстану Ти, и узриши мя, яко Бог не хотя беззаконие Ты еси. Не приидет к Тебе лукавнуя, не будут же законопреступницы пред очима Твоима. Возненавидел еси вся творящая беззаконие, погубиши вся глаголющая лжу. Мужа крови и лстива гнушается Господь. Аз же множеством милости Твоея, вниду в дом Твой. Поклонюся к церкви святей Твоей, во страхе Твоем. Господи, настави мя правдою Твоею, враг моих ради, исправи пред Собою путь мой. Яко несть во устех их истины, сердце их суетно. Гроб отверст гортань их, языки своими льщаху: суди им Боже. Да отпадут от мыслей своих, по множеству нечестия их изрини я, яко прогневаша Тя, Господи. И возвеселятся вен уповающие на Тя, во веки возрадуются и вселишися в них. И похвалятся о Тебе любящие имя Твое, яко Ты благословиши праведника. Господи, яко оружием благоволения венчал еси нас.